

ՌԱՏՆՆԱԴԱՐԱՆԻ ԹՈՒՐՔԵՐԵՆ ՎԱՎԵՐԱԳՐԵՐԻ ԱՂՅՈՒՐԱԳԻՏԱԿԱՆ
ԱՐԺԵՔԸ

Պատմ. գիտ. դոկտոր Հ. Դ. ՓԱՓԱՋՅԱՆ

2002 Մինիստրների սովետին առընթեր Մաշտոցի անվան Հին ձեռագրերի ինստիտուտ «Մատենադարանում» պահվող «Կաթողիկոսական դիվանի» արաբատառ վավերագրերի մեջ ուրույն տեղ են գրավում շուրջ 400 թուրքերեն փաստաթղթերը, որոնց ժամանակագրական սահմանը սկիզբ է առնում 1586 թ. և հասնում է մինչև առաջին համաշխարհային պատերազմի տարիները:

Շուրջ 350 տարվա պատմական ընդարձակ մի ժամանակաշրջան ընդգրկող այս վավերագրերը պահպանվել են վանական արխիվներում և հիմնականում վերաբերում են էջմիածնի, Մակվի Թաղեոս առաքյալի, Դարաշամբի Ստեփանոս նախավկայի, Ագուլիսի Թովմա առաքյալի, Մշո սուրբ Կարապետի, Աղթամարի, Բայազետի, Բաբերդի և այլ վանքերի:

Հիշյալ վանքերում պահպանված վավերագրերի կենտրոնացումը էջմիածնի դիվանում կատարվել է ավելի ուշ՝ XIX դարի վերջերում և հատկապես XX դարի սկզբներին, իսկ Աղթամարին և Վանի եպեղեցիներին վերաբերող ոչ մեծ թվով փաստաթղթերը էջմիածին են բերվել 1915—1916 թթ.:

Սիմեոն Երևանցին իր մեծարժեք ուսումնասիրության մեջ նկարագրել է էջմիածնի դիվանում առկա ընդամենը 88 թուրքական հրովարտակներ, կալվածագրեր և այլ պաշտոնական վավերագրեր, որոնց ժամանակագրական սահմանը հասնում է մինչև XVIII դարի 70-ական թթ.: Նա առաջին անգամ արխիվային մշակման է ենթարկել դրանք, դասակարգել ըստ շնորհող ինստանցիաների և 22-րդ գլխում շարադրել Արևմտյան Հայաստանում էջմիածնի ունեցած իրավունքների և օսմանյան պետության ու հայոց եկեղեցու փոխհարաբերությունների պատմությունը: Դնահատելով օսմանյան հրովարտակների և այլ պաշտոնական վավերագրերի քաղաքական ու իրավական նշանակությունը և մտահոգված դրանց հետագա պահպանությամբ, նա խրատում է իր հետնորդներին, ասելով. «Թէպէտ տուողքն են այլազգիք և թշնամիք մերոյս կրօնի, սակայն՝ տուրք և հրամանագիրք նոցին են ըստ աշխարհիս օգտակարք, բուժիչք և ապահովացուցիչք, որպէս ի յօձից թունաւորաց սպասեմք առնուլ ղթրակէզս ի բուժումն պես-պես ցաւոց: Զայս վասն այսօրիկ երկարեմ, զի և դու ի յունիլդ զգուշութեամբ պահեսցես զմնացեալսն առ քեզ, եւ մի ասիցես թէ այժմ այսինչ ռաղամ անօգուտ է և կամ թէ թագաւորքն ոչ գոն զի՞նչ օգտեն հրամանք նոցա, զի պիտոյանան բազմիցս, և իւրաքանչիւրոցն գոյ ժամանակ պիտանաւորութեան, որպէս մեք փորձեցաք բազմիցս»:

Ինչպես պարսկերեն, այնպես էլ թուրքերեն վավերագրերի դասակարգումը Սիմեոն Երևանցին կատարել է՝ ելնելով դրանց պաշտոնական բնույթից:

1 Սիմեոն Երևանցի. Զամբու. Վաղարշապատ, 1873, էջ 234—252:

2 Նույն տեղում, էջ 210:

Սուլթանական հրովարտականների մասին նա խոսում է 22-րդ գլխում, իսկ մյուս թուրքերեն վաստաթղթերը նկարագրված են հաջորդ՝ «Գրեանք օսմանցոց փաշայից Շիւ-իսլամից և այլոց իշխողաց, զորս տուեալ են սրբոյ Աթոռոյս» խորագիրը կրող գլխում³:

Սիմեոն Երևանցու ձեռքի տակ եղած 88 վավերագրերը բացառապես վերաբերում էին էջմիածնին, հաստատում էին կաթողիկոսներին և նրանց իրավունքները, կամ լուծում վանքի կալվածատիրության ու հարկային արտոնությունների հետ առնչվող հարցեր: Ուստի միանգամայն պատճառաբանված էր դրանց դասակարգումն ու ուսումնասիրությունը վերոհիշյալ կարգով:

Ներկայումս սակայն, ինչպես նշվեց և՛ ժամանակագրական, և՛ բովանդակության, ինչպես նաև աշխարհագրական առումով մեզ հասած մեծաքանակ վավերագրերը խիստ բաղմաղան են ու տարատեսակ: Այսուհանդերձ, իրենց գերաշատնական բնույթով առանձնանում են սուլթանական հրովարտականները կամ բերաթները, որոնք և՛ ծավալով, և՛ շարադրման եղանակով, և՛ արժարժված հարցերի ամբողջական խմբավորմամբ ուրույն գիտական հետաքրքրություն են ներկայացնում:

Բերաթները գլխավորապես հրապարակվում էին սուլթանին ներկայացված որևէ խնդրագրի կամ դիմումի հիման վրա, որոշելու կամ հաստատելու համար խնդրարկուի պաշտոնն ու իրավունքները: Կաթողիկոսներին տրվող բերաթների համար կար նախապես հաստատված ձև: Դրանք ընթացքում մշակված էին բոլոր տիտղոսներն ու էպիտեմները, ինչպես նաև հաստատման ենթակա իրավունքների և արժարժվող հարցերի հաջորդականությունը:

Հայ կաթողիկոսների իրավունքները հաստատող բերաթների համեմատությունը նույն ժամանակաշրջանի դիմաթերի, թիմարների, վաշալրքների, վոյեվոդության և օսմանյան կայսրության այլ ֆեոդալական տիրույթների հաստատման ֆերմանների հետ հնարավորություն է տալիս ձշտելու դրանց և՛ դիվանական, և՛ պաշտոնական ընդհանրություններն ու առանձնահատկությունները:

Օսմանյան դիվանագրությանը բնորոշ ընդհանուր հատկանիշներով հանդերձ, կաթողիկոսական բերաթները առանձնանում են որպես կրոնական համայնքների իրավական վիճակն արտացոլող փաստաթղթեր և օգնում են պարզելու եկեղեցական իշխանությունների իրավասության սահմանները: Դրանց մեջ արտահայտված է օսմանյան պետության կողմից դարերի ընթացքում հաստատված որոշակի վերաբերմունքը այլապես համայնքների ներքին վարչության և նրանց նկատմամբ կիրառվող տնտեսական-հարկային քաղաքականության վերաբերյալ:

Սանոթանալով հրովարտականների (մեծ մասամբ մեկը մյուսին կրկնող) բովանդակությանը, դժվար չէ նկատել, որ եկեղեցական համայնքները Օսմանյան կայսրության մեջ դիտվել են որպես հասոթաբեր հաստատություններ: Ինչպես տարբեր կարգի տիրույթներ ու ավատներ ստացող ֆեոդալները, այնպես էլ հոգևոր վիճակներին ու վանքերին տիրող հոգևորական առաջնորդները պարտավոր էին հավատացյալներից զանձվող եկամուտի դիմաց որոշ դրամար մուծել արքունի զանձարանը:

Պետական պաշտոնների ու ռազմա-ֆեոդալական տիրույթների վարձա-

³ Նույն տեղում, էջ 249:

կալական-կապալային կամ «մուկաթիայի» սիստեմը, որն ընկած էր կայսրության ֆինանսների հիմքում, հավասարապես վերաբերում էր հոգևոր պաշտոններին ու վանական հաստատություններին. բերաթնելում պարզ ասված է, որ կաթողիկոսներից գանձվող գումարները ղրանցված էին «եպիսկոպոսական մուկաթիայի դաֆթարներում»⁴։ Որ այդ գումարները պայմանավորված էին տվյալ թեմից կամ թեմերից գանձվող հոգևոր տուրքերի ընդհանուր քանակով, դա պարզ երևում է այն բանից, որ երբ Պոլսի պատրիարքների հետ երկար վեճերից հետո Հակոբ Շամախեցու օրոք (1759—1763) Զմյուռնիայի թեմը նորից մտցվում է տերունի թեմերի շարքը, նախապես որոշված 6800 ալլան կաթողիկոսական տուրքի կամ «մակթուի» վրա գումարվում է նաև մուկաթիաների դաֆթարում ղրանցված Իզմիրի վիճակի 4000 ալլան, և այնուհետև կաթողիկոսական մակթուն դառնում է 10800 ալլան⁵, «քանզի Իզմիրում մախթուն,— գրում է Սիմեոն Երևանցին,— (որ է արքունական հարկն՝ զորի նստելն առաջնորդին տալ պարտի) էր շորս հազար ստակ, որ է երեսուն և երեք դուռուշ ԺԳ փարայ և Ա ստակ, զայս ևս եղեալ ի վերայ մախթունի կաթողիկոսացն, արարաք զնա տասն հազար ութն հարիւր ստակ, որ է իննսուն դուռուշ»⁶։

Սուլթան Աբդուլ-Համիդ 1-ի 1774 թ. հրովարտակով հաստատվում է, որ Նորագյալի Ազարակ գյուղի Ս. Եղիայի կամ Խըտըր Իլյազի և Զըլգըրի ու Ղարսի կազանների սահմանում գտնվող խաչվանիկի վանքերը ենթակա են էջմիածնին, որոնցից ստացվող 1000 ալլան մակթուն մուտք էր արված եպիսկոպոսական մուկաթիայի դաֆթարում, որպես արքունի տուրք կամ «միրի փիշբաշ»⁷։ Նույն սուլթանի 1775 թ. մի այլ հրովարտակով Պոլսի Զաքարիա պատրիարքի համաձայնությամբ Կարնո կազայում գտնվող Մուտուրկու Ս. Լուսավորչի վանքը վանահայր Բաղդասար վարդապետի մասվանից հետո հանձնվում է էջմիածնի տնօրինությանը և ըստ նույն դաֆթարի, որպես «միրի փիշբաշ» արքունի գանձարանն է մուծվում 7200 ալլան⁸։

Զնայած իրենց նույնատիպ շարադրանքին, կաթողիկոսական բերաթնելում յուրովի արտացոլված են հայ եկեղեցու կյանքում և հայ իրականության մեջ տեղի ունեցած կարևոր դեպքերը, մեծ մասամբ կապված Պոլսի պատրիարքների ու էջմիածնի կաթողիկոսների միջև ծագած և երբեմն շատ սուր բնույթ կրող ընդհարումների և կաթողիկոսական աթոռի շուրջ ծավալված վեճերի ու տարաձայնությունների հետ։

Պայքարը հիմնականում մղվում էր ազդեցության շրջանների և առանձին թեմերի ու վիճակների շուրջ։ Այս հարցում խիստ կարևոր նշանակություն են ունեցել Օսմանյան կայսրության մեջ պատրիարքներին վերապահված և արքունի դիվանի կողմից հաստատված իրավունքները, որոնք վերաբերում էին կայսրության սահմաններում գտնվող հայ լուսավորչական համայնքներին։ Սակայն պատրիարքները, օգտվելով նպաստավոր դիրքերից,

⁴ Մաշտոցի անվ. Մատենադարան, Կթղկ. դիվան, թղթ. 1դ, վավ. 448, 479: بيسقبوس

مقاطعه سی دفتر لری

⁵ Նույն տեղում, թղթ. 1դ, վավ. 439:

⁶ «Ջամբու», էջ 237:

⁷ Կթղկ. դիվան, թղթ. 1դ, վավ. 479:

⁸ Նույն տեղում, վավ. 480:

փորձում էին միջամուխ լինել նաև էջմիածնի գործերում և հասնել այն բանին, որ էջմիածնի և օսմանյան արքունիքի միջև տարվող բանակցությունները կատարվեն Պոլսի պատրիարքների միջնորդությամբ, իսկ նոր կաթողիկոսների և կայսրության տերիտորիայում նրանց իրավունքների հաստատման բերաթյունները հրապարակվեն պատրիարքների ներկայացմամբ ու թելադրանքով:

Պատրիարքների այս ձգտումները հաջողությամբ չէին պսակվում, բանի որ էջմիածնի կաթողիկոսարանը գտնվում էր Սեֆյան Իբանին ենթակա Արարատյան երկրում, որպիսի քաղաքական իրավիճակը թելադրում էր ավելի շրջահայաց և դիվանագիտորեն ձգարտված հարաբերություններ: Ուստի միանգամայն հասկանալի է, թե ինչու էջմիածնի կաթողիկոսական բերաթյունների ձեռքբերման իրավունքի սեփականումը Պոլսի պատրիարքների կողմից հնարավոր դարձավ միայն 1726 թ., երբ օսմանյան զորքերը օկուպացրել էին Արարատյան երկիրը և Անդրկովկասի ու Ատրպատականի մեծ մասը: Նույն թվականին Կարապետ Ուլենցի (1726—1729) կաթողիկոսին տրված Սուլթան Ահմեդ III-ի հրովարտակում Երևանյան նահանգն արդեն համարվում է «Իրանից նվաճված և օսմանյան ապահով երկրներին միացված»⁹:

Անսպասելիորեն պարզունակ է այս իրողության՝ Սիմեոն Երևանցու մեկնաբանությունը, երբ էջմիածնի իրավունքների բռնադատումը նա բացատրում է միայն պատրիարք Հովհաննես Բաղիշեցու և նորինծա կաթողիկոսի անձնական հատկանիշներով, շեշտելով հատկապես, որ այն տեղի ունեցավ «Ի հրախրիլն ի կաթողիկոսութիւն վերոյիշեալ Կարապետ կաթողիկոսիդ (որ էր յայն կուսացի, և մանաւանդ ի վիճակէն Սրսոյ), Աթոռոյս որպիսութեան, պատուոյն և իշխանութեան ամենեկին անտեղեակ, ինքն ևս ծեր և պարզամիտ, իսկ այն յովհաննես վարդապետն Բաղիշեցի (որ էր պատրիարք Պոլսոյ) խորամանկ, շոքմոզ, կեղծաւոր և խաբող, որպես բերքն է Բաղիշու և այնց կողմանց»¹⁰: Այստեղ անգիտացված է այն իրողությունը, որ այդ ժամանակ Պոլսում գտնվող էնկյուրիոն թեմի առաջնորդ Կարապետ Ուլենցու հրավիրումն ու նշանակումը Աստվածատուր Համատանցու մահից հետո թափուր մնացած էջմիածնի կաթողիկոսության պաշտոնում, լիովին համահնչյուն էր նորանըված երկրամասերը հպատակեցնելու և օսմանյան պետական վարչակարգին ենթարկելու քաղաքականությանը: Չպետք է մոռանալ, որ հնուց հաստատված կարգով Պոլսի պատրիարքը հանդիսանում էր կայսրության սահմաններում բնակվող բոլոր հայ լուսավորչական համայնքների ներկայացուցիչ:

Նվաճված երկրամասերում թուրքական իշխանությունների վարչական և տնտեսական ու հարկային քաղաքականության վերաբերյալ բացառիկ կարևոր աղբյուրներ են 1590—1605 և հատկապես 1725—1735 թթ. Արևելյան Հայաստանում թուրքական բերդապահ կայազորների հրամանատարների, փաշաների ու նրանց ստորադաս պաշտոնյաների կամ սրանց կողմից նշանակված հոգևորական դատավորների, դպիկների ու շեյխ-ուլ-իսլամների հրապարակած հրամանագրերն ու վճիռները (բյուրուլթիներ և ֆիթվաներ):

⁹ Կթղկ. դիվան, թղթ. 14, վավ. 308, 309, 310, 313. و ممالك ايرانك فتح و تسخير و ضمايم ممالك محروسة المسالك قلمنان

¹⁰ «Ջամբու», էջ 235:

XVI դարի վերջին տասնամյակին և XVII դարի սկզբին վերաբերող վավերագրերը անհամեմատ սուղավ են և առավելապես վերաբերում են Դադաբադի, Աստապատի ու մերձակա վանքերին, մասամբ նաև՝ Մակվի, Ջուսի, Նախիջևանի և Գուղթնի առանձին գյուղական համայնքների։ Առավել կարևոր են, սակայն, XVIII դարի 20—30-ական թթ. վավերագրերը, որոնք արժեքավոր տվյալներ են պարունակում ներքին առևտրի, մաքսային գանձումների և ժողովրդական տնտեսության մեջ առևտրական ու վաշխառուական կասկիտալի ներդրած ուժերի վերաբերյալ։

Պատմական այս ժամանակահատվածի ամենսարժեքավոր վավերագրերը 1725—1730 թթ. Վաղարշապատի հարկացուցակներն են, որոնք բաղկածաբար դուրս են բերված Երևանի լիվայի ընդարձակ հարկային մատչանից (դեֆթեր-ի մուֆեսսել)¹¹։ Հարկացուցակների եզակի արժեք ներկայացնող տրվյալներով հաստատված է, որ թուրքական օկուպացիոն իշխանությունները Անդրկովկասի որոշ մասին տիրելուց անմիջապես հետո սկսել են այնտեղ գործադրել Օսմանյան կայսրության մեջ կիրառվող հարկային սիստեմը. կատարել են ընդհանուր աշխարհագիր և կազմել նահանգային «ընդարձակ հարկային ցուցակներ»։

Հաջորդ աշխարհագիրն ու բնակչության և հարկատու համայնքների ու օբյեկտների հաշվառումը կատարվել է 1728 թ., երբ թուրքական զորքերը, ձեռնարկելով ընդհանուր հարձակման, թափանցել են Արցախ, մասամբ նաև Մյունիք և նվաճել Անդրկովկասի գլխավոր ամրությունները։ Այս իրողությունը յուրովի արտացոլված է նոր հարկացուցակում, որտեղ բազմապատկված են բնակչությունից գանձվող հարկերը և ավելացված են նոր հարկեր։ Գույրից գանձվող հարկերի ընդհանուր դրամական համարժեքը 1725 թ. կազմում էր 91515 ալլան, իսկ 1728 թ.՝ 211322 ալլան։ Այդ նշանակում էր, որ բնակչության հարստահարությունն ու կողոպուտը նվաճման առաջին տարվա համեմատությամբ ավելացել էր շուրջ 2,5 անգամ¹²։

1725—1735 թթ. նվաճման շրջանի վավերագրերը կարևոր են նաև պարզելու համար թուրքական վարչակարգի և զինվորական իշխանությունների ազդեցության սահմանները։ Վավերագրերը մեծ մասամբ վերաբերում են Արարատյան երկրին, Երևանին և մերձակա շրջաններին։ Զգալի թիվ են կազմում նաև Նախիջևանի, Աստապատի, Ագուլիսի և Օրդուբադի շրջաններին վերաբերող վավերագրերը, այսինքն՝ այն շրջանների, որտեղ համեմատաբար ավելի կայուն է եղել օկուպացիոն իշխանությունը։

Հայտնի է, որ այս տարիներին թուրքերը հասցրել են կազմել նաև Գանձակի վիլայեթի հարկացուցակ¹³, իսկ Դանձասարի դիվանում պահպանվել են 1729 թ. հետո դրված որոշ փաստաթղթեր, այդ թվում նույն թվականի փետրվարի 14-ին հրապարակված Մուստաֆա փաշայի հրամանը, որով վախճանված Եսայի կաթողիկոսի տեղ կաթողիկոս է նշանակվում նրա եղբայր Գրիգորի¹⁴։ Իսկ նշանակում է, որ, թեև կարճ ժամանակով, Ղարաբաղը ևս են-

¹¹ Կթղվ. դիվան, թիվ. 19, վավ. 293, 316, 320, 332։

¹² Այս հարկացուցակների մասին տվյալի մանրամասն տե՛ս «Բանբեր Մատենագրանի», № 5, Երևան, 1960, էջ 431—464։

¹³ O. L. Barkan. XV ve XVI inci asırlarda Osmanlı Imperatorlugunda zirai ekonominin hukuki ve mali esasları, I cild «Kanunlar», İstanbul, 1945, էջ 195—197։

¹⁴ ՀՊՊՀ ԿՊՊԱ, ֆ. 52, գործ 4, վավ. 1։

թարկվել է օկուպացիոն ուժերի հրամանատարությունը: Ուշագրավ է, սակայն, այն փաստը, որ ներկայումս կաթողիկոսական դիվանում գտնվող Տաթևի վանքի այլալեզու վավերագրերի մեջ, որտեղ պահպանվել են նույնիսկ Կարակոյունլու սուլթան Զհանշահի և նրա որդու՝ Հասան-Ալիի XV դարի հնագույն հրովարտականները¹⁵, չենք գտնում և ոչ մի օսմանյան վավերագիր: Այս փաստը ևս զալիս է հաստատելու, որ թուրքերին երբեք չի հաջողվել Նափանում հասնել քիչ թե շատ տեական տիրապետության: Այլապես էջմիածնի, Դանձասարի, Աստապատի, Ադուլիսի և մյուս վանքերի նման Տաթևի առաջնորդները ևս պետք է իրենց հրամանագրերը ստանային թուրքական իշխանություններից, ինչպես նաև դիվանում պահպանված կլիներ վանքի կալվածատիրական իրավունքներն ու մուաֆուկյունը հաստատող օսմանյան վավերագրեր:

Եթե այս շրջանի ընդարձակ հարկացուցակներից հանված քաղվածքները օգնում են պարզելու թուրքական օկուպացիոն իշխանությունների հարկային քաղաքականությունը Անդրկովկասում, ապա նշված ժամանակաշրջանի մյուս պաշտոնական վավերագրերը չափազանց կարևոր սկզբնաղբյուրներ են՝ նվաճված երկրամասերում նույն իշխանությունների կողմից վարվող տնտեսական ու վարչական և հատկապես ադրարային քաղաքականության ուսումնասիրության համար:

Ինչպես զինվորական հրամանատարների ու փաշաների «բույուրուլթիները» (հրամանագրեր), այնպես էլ տեղական շարիաթական ատյաններում ու նոտարական դրասենյակներում գյուղերի, ագարակների և այլ հողային տիրույթների շուրջ կատարվող զանազան տնտեսական գործարքների վերաբերյալ կազմված արձանագրությունները զալիս են հաստատելու, որ 1725—1735 թթ. օկուպացիայի շրջանում ղրգըլբաշների տիրապետության օրոք գործող հողատիրության սիստեմում էական փոփոխություններ տեղի չեն ունեցել:

Մուլքային հողատիրության հիմնական ատրիբուտները առկա են մեզ հասած բույուր կալվածագրերում և մանավանդ իշխանության ներկայացուցիչների կողմից տրված հրամանադրերում ու շարիաթական վավերագրերում: Կարգապահական օրգանները հետևողականորեն պաշտպանում էին գյուղատերերի կամ մալիքների սեփականատիրական իրավունքները, ամենուրեք հարկադրելով հողագործ ռայաթներին՝ անթերի կատարել հողատիրոջ նկատմամբ ունեցած բոլոր պարտականությունները: Կալվածատիրական լծի թեթևացման նպատակով ձեռնարկվող որևէ փորձ, բողոք կամ ընդդիմադրություն անողոք կերպով ճնշվում էր թուրքական զինվորական իշխանությունների բռնի ուժով: Հրամանագրերում ամենուրեք հրահանգվում էր տեղական նախնիներին ու մուրաշիքներին՝ խստորեն պահպանել կալվածատիրոջ ու ռայաթների փոխադարձ հարաբերությունների՝ ղրգըլբաշների տիրապետության օրոք սահմանված կարգը:

1725—1728 թթ. մի քանի շարիաթական արձանագրություններում և սրանց հիման վրա հրապարակված՝ Երևանի միաջաբ և Մուստաֆա փաշաների հրամանագրերում Վաղարշապատ, Օշական, Մաստարա և այլ գյուղերի ռայաթներին, որոնք ըմբոստանալով՝ թերանում էին կատարել իրենց պարտավորու-

¹⁵ «Մատենադարանի պարսկերեն վավերագրեր», 1, Հրովարտական, պրակ Ա, Երևան, 1956, վավ. 1, 2, 4:

թյունները և սլահանջում էին վերանայել կալվածատիրոջը հատուցվող ունե-
տայի հնուց սահմանված նորմերը, խստագույնս հրահանգվում է՝ անթերի
հատուցել գյուղատիրոջը հասանելի ունեւան¹⁶:

Այս ժամանակաշրջանին են վերաբերում նաև Քասախ և Մեծամոր գե-
տերի ջրային ռեսուրսների օգտագործման շուրջ էջմիածնի վանքի և Կարբիի
շրջանի գյուղական համայնքների միջև ծագած վեճերի կարգավորման կա-
պակցությամբ հրապարակված՝ Լերդուլլա և Ալի վաշանների հրամանագրերն
ու Երևանի Շարի ատյանում կազմված արձանագրությունները¹⁷: Տրված հրա-
մաններն ու ընդունված որոշումները հանգում են այն բանին, որ թեև ջրանցք-
ները հանված ու նորոգված էին էջմիածնի միջոցներով, սակայն դրանցով հո-
սող ջրերի միայն կեսն էր պատկանում վանքին, իսկ մյուս կեսով պիտի ոռոգ-
վեին այն բոլոր 20 գյուղերի հանգերն ու այգիները, որոնց սահմաններով
անցնում էր ջրանցքը¹⁸:

Գյուղական համայնքների՝ ջրի նկատմամբ ունեցած և վաղնջական ժա-
մանակներից եկող սեփականատիրական իրավունքների մասին վկայող այս
վավերագրերը եղակի նշանակություն ունեն հատկապես Արարատյան երկրի
աղբյուրային հարաբերությունների ուսումնասիրության համար, որտեղ ար-
հեստական ոռոգումը գյուղատնտեսության զարգացման գլխավոր նախապայ-
մանն էր:

Այստեղ դրսևորված է նաև արևելյան պետություններում էնգելսի կող-
մից մատնանշված երեք հիմնական վարչություններից մեկը՝ «հասարակական
աշխատանքների վարչությունը» կամ, որ նույնն է, «հողատարություն վերա-
րադրության մասին», քանի որ դա վերաբերում էր 20 խոշոր գյուղերի, որոն-
ցից պետությունը (ներկա գեպրում՝ օկուպացիոն իշխանությունները) հսկա-
յական եկամուտ էր ստանում և որոնց բնակիչներից շատերը պետական կամ
«միրի» հողեր էին մշակում:

Ինքնին հասկանալի է, որ ինչպես Արարատյան երկրում, այնպես էլ Ան-
դրեկովկասի մյուս շրջաններում գտնվող «գիվանի» և «խալիսե» գյուղերը,
որոնք պետական սեփականություն էին, օսմանյան օկուպացման շրջանում
անմիջապես ենթարկված էին գինվորական նահանգապետների կողմից նշա-
նակված սլաշտոնյաներին և մտցված էին «միրի» հողերի շարքը: «Միրի» էին
դարձված նաև օսմանցիներին գիմագրություն ցույց տվող կամ նվաճումից
հետո էմիգրացիայի ենթարկված ֆեոդալներին ու իրանական պետական պաշ-
տոնեությունը պատկանող հողերն ու մյուս անշարժ կալվածները:

1729 թ. մի կալվածագրից իմանում ենք, որ «միրի» սեփականություն-
ներ հայտարարված կալվածները վաճառքի էին հանվում օսմանյան իշխա-
նությունների կողմից, և առուծախի ժամանակ որպես գնորդներ հանդես էին
գալիս և՛ տեղացի հողատերեր ու առևտրական դասի ներկայացուցիչներ, և՛

16 Տե՛ս հոդվածի վերջում հրապարակվող վավերագիրը:

17 ԿճԳԿ. գիվան. թղթ. 1գ, վավ. 304, 339, 340, 344 և այլն:

18 Նույն տեղում, վավ. 304, 344. حرق مزبورك صوتی جمته معرفتیه

تنصیف اولنوب نصفی اوج کلیسیایه و نصفی اخری یگر می پاره قریه
ویریلوب نزاعلری قطع اولندی

թուրք զինվորական ու վարչական պաշտոնյաներ ու առանձին հոգևորականներ¹⁹։

Այս շրջանի կալվածագրերի և հարկացուցակների շնորհիվ հնարավոր է ավելի որոշակի ուրվագծել նշված տասնամյակի բնթագրում ժողովրդական տնտեսության բայրաճման, մթերքների ու այլ կենսամիջոցների արտադրության և բնակչության կենսամակարդակի աճավոր անկման մոայլ պատկերը։ Դժվար չէ նկատել, որ անշարժ կալվածների գները արագորեն բնկնում են, իսկ մթերքների գները՝ բարձրանում, նվազում է ասրանբաշրջանառությունը և զգացվում կանխիկ դրամի մեծ պակաս։ Այս առումով ուշագրավ են թուրքական իշխանությունների կողմից մտցված մաքսային սահմանափակումները, երբ ավելի մեծ մաքս էր դանձվում ներմուծվող ասրանբներից և բնդհակառակը, շարունակ իջեցնելով արտահանվող ասրանբներից զանձվող մաքսը, օբյեկտիվ նախապայմաններ էին ստեղծում երկրի արագ աղքատացման համար²⁰։

Այս երևույթը ավելի ցայտուն կերպով էր դրսևորվում Անդրկովկասից և Իրանից արտահանվող հիմնական ասրանբի՝ մետաքսի տարբեր տեսակների մեծաքանակ արտահանման ժամանակ։ Կաթողիկոսական դիվանում պահպանվել է 1729 թ. Թավրիզի վաշաճի և մի խումբ թուրք վաճառականների միջև կնքված և վերջիններիս կնիքներով ու վաշաճի մակագրությամբ հաստատված պայմանագրի բնագիրը, որով համաձայնություն է կայացվում, որ սկսած Գիլանից դեպի Թուրքիա փոխադրվող մետաքսի բեռներից մաքս զանձվի միայն Արդաբիլում ու Թավրիզում և կարգադրվում է Ատրպատականի մյուս բաղաբների մաքսատներին՝ մետաքսի բեռներից մաքս չպահանջել²¹։ Պայմանագրի բովանդակությունից պարզ երևում է, որ թուրքական իշխանությունները այդ տարիներին ամեն կերպ աշխատել են նպաստավոր պայմաններ ստեղծել և արտոնություններ սալ թուրք վաճառականներին՝ նրանց օսմանյան տերությունը մեծ եկամուտներ բերող մետաքսի առևտրի մեջ ներգրավելու համար, եկամուտներ, որոնք ղոյանում էին տարանցիկ առևտրից զանձվող և հատկապես նավահանգստային մաքսերից։

Թուրք վաճառականների հետ կնքված համաձայնագրի բնագրի պահպանումը էջմիածնի կաթողիկոսական դիվանում հուշում է, որ օկուպացիոն իշխանությունները ցանկացել են մաքսային նոր կարգի մասին տեղեկացնել նաև հայ վաճառականությանը, որն, ինչպես դիտենք, դարևր շարունակ առաջատար դեր է խաղացել իրանական մետաքսի արտահանման գործում։

Ինչպես սույն պայմանագրի, այնպես էլ մաքսերի և առևտրական տուրքերի վերաբերյալ մի քանի այլ պաշտոնական փավերագրերի բովանդակած փաստական նյութի դիտարկման մշակումը մեզ չափով կարող է նպաստել Անդրկովկասում թուրքական օկուպացիոն իշխանությունների վարած տնտեսական բաղաբականության թալանչիական բնույթի բացահայտմանը։ Այդ բաղաբականության մեջ Օսմանյան կայսրության բնորոշ ձևերով դրսևորված է էնդեղիսի մատնանշած՝ Արևելքի երկրների մյուս երկու (Ֆինանսական և ռազմական) վարչությունների գործունեությունը, որ ուղեկցվում էր «սևփա-

¹⁹ Նույն աեղում, վավ. 324։

²⁰ Նույն տեղում, վավ. 308, 310, 311, 325, 343, 347 և այլն։

²¹ Նույն տեղում, վավ. 325։ Այս մասին տե՛ս «Բանբեր Մատենադարանի», 9, Երևան, 1969, էջ 241—253։

կան ժողովրդի կեղերմամբ» և «ներքին ու արտաքին երկրների ավարառությամբ»:

Մի հոգվածում հնարավոր չէ մեկ առ մեկ անդրադառնալ Կաթողիկոսական դիվանի թուրքական վավերագրերին և վեր հանել դրանցից յուրաքանչյուրի աղբյուրադիտական արժեքը: Մենք փորձեցինք դնահատել դրանք դիտական հետաքրքրություն ներկայացնող առանձին հարցերի սահմաններում միայն: Ինչպես բերաթներն ու բույուրովիները, կալվածադրերն ու շարիաթական այլ կարգի արձանագրությունները, այնպես էլ Կարսի, Ախլցխայի, Բայազետի, Էրզրումի և Վանի փաշաների՝ հայոց կաթողիկոսներին և այլոց ուղարկած գրություններն ու տարբեր առիթներով Կաթողիկոսական դիվանում ամփոփված հայ առևտրական դասի ներկայացուցիչների և հայտնի կամ անհայտ անձանց անձնական նամակներն ու այլ բնույթի փաստաթղթերը բաղմաթիվ ուշադրով տեղեկություններ են պարունակում, որոնք կարող են նրապատել պատմագիտությունը հետաքրքրող տարբեր հարցերի լուսարանմանը:

Ստորև հրատարակում ենք Երևանի կադի Աբդուլլայի հիշբնի 1137 թ. մուհարամի 4-ին (1724 թ. սեպտեմբերի 23) Կարսի նահիայի նախին ուղարկած գրության բնագիրը, դրա վերծանությունը և հայերեն թարգմանությունը: Ըստ այդ գրության էջմիածնապատկան դյուղերի ռայաթները պարտավոր էին բերրի տասանորդը ընդունված կարգով, առանց թերանալու հատուցել վանքին (Մատենադարան, Կաթողիկոսական դիվան, թղթ. 1դ, վավ. N° 298, մեծ. 23×16 սմ, բնագիր):

کریه حاجه سنده نسیب الشیخ العیون اولی افندی المکرم
 بیده النجیه الراحه انما اولونکر اوج کلب و او شکله و مصدره نام قریه را اهاش
 طراغنده حاصل ابد کلر زکمه لندنه اوج کل طراغنده و بره کل کلر ایش
 اداوه نفس استدعه دیوانه روانه فوضه ایش که فیم الامدنه که و بره کل کلر ایش
 اورده الزب زباده و نفصه صلیه رجبیه اونماق با بن مهور سور لری
 بوجنی عیسه خیر و اسر اولندی و صولنده کر کر که بره سور لری
 نه که و بره کل کلر اب اولمال اورزه و بر درو غلط شمع و صلف سور لری
 حاک اناک اورزه بنه اکبه ابدنه صلیه حاک ابه را به طرافه اهدام البینه
 المعمره
 دالیم ۲۴ جمادی الثانی

ИСТОЧНИКОВЕДЧЕСКОЕ ЗНАЧЕНИЕ ТУРЕЦКИХ ДОКУМЕНТОВ
МАТЕНАДАРАНА

Доктор историч. наук А. Д. ПАПАЗЯН

(Резюме)

В «Диване» армянского католикоса, хранящемся в архивном отделе Матенадарана, имеется около 300 турецких официальных документов (грамоты султана, указы визирей и пашей, шарнатско-нотариальные протоколы и иная официальная и частная переписка), изучение которых может способствовать освещению некоторых вопросов социально-экономической и политической истории Армении. В статье дается характеристика источниковедческой ценности этих документов. К ней прилагаются подлинник и перевод письма ереванского казия Абдуллы, посланного 4 мухарамма 1137 г. хиджры (23 сентября 1724 г.) наибу Карпийского нахиа.